



Bájkkeavijssa NuorttaSálto

- Ja dåla biejuve ihtá!

Dav javllin oahppe Stuorgiette bajássjaddamguovdátjis, gudi guossidin ádå vájaldusvuosádusáv Árran julevsáme guovdátjin.

Vuosádus GIERDU- labudibme sáme dájddaværáldin le ádå geldulasj vuosádusprosjækta mij guosská sáme dájddaj, ja daj dágástallamijda ja hásstalusájda ma sáme dájddaværáldin gávnuuji. Vuosádusán li dájddadago Riddo Duottar Museas – De Samiske Samlinger, mij le akta Nuorttarijkaj ienemus geldulasj dájddatjáhkkij.

GIERDU le vuosádusturna ja ávddánbuktemfálaldahka Den Kulturelle

Skolesekkenij. Oahppe Stuorgiette bajássjaddamguovdátjin li akta moatte skávlájs ja mánárgárdijs gudi bessin tjuovvot ávddánbuktev SKINNa, dájddaráv Nina Jo Melbøe. Dánna lidjin tjuollusa, mállaga, gávå ja filmmavuosádusá. SKINNa oajvve máhke le organiserit ja vuosádallat dájddav rijkaguovlon, sierraláhkáj nuorajda ja mánájda. Ávddánbuktemfálaldahka le dagádum vaj tjuovvu udnásj oahppoplánajt, ja le



Tæksta: Kitty Skapalen
Járggálibme: Divte Media AS / Ingrid Kintel

Bállu náhkes ja boahhtsutjårvijn. Oahppe tjuovvun dájddaráv ja ávddánbuktev Nina Jo Melbøe. **Ball med hår og reinsdyrhorn på.** Elevene ble guidet gjennom utstillingen av kusntner og formidler Nina Jo Melbøe.

bagádallam áhpadiddijda. Dættodam li mánájt ietja dájmadit. Vuosádus le Nordlánda, Rámså ja Finnmárko oahppijda fálaldahka.

GIERDU le nuorttasáme báhko, mij julevsámegiellaj sjaddá gievlle. Gievlle le guovdásj gávástahka sáme kultuvran. GIERDU-labudibme sáme dájddaværáldin vuonet moattebelakvuodav dájdan. Oahppe oadtjun vuostak vuosádusáv vuojnnet monterijn ja siejniijn, duodden ánifilmmaj. Dát bávtij reksjåvnájt oahppij gaskan, gej mielas lij hálvva suorgganahhte filmma. Filmma subtsasav giehttu- «And, the moment from the past». Ádåájggásasj ávddánbuktemvuogij baktu vuoseduvvi dájddav ávdep ájgijs ja subtsas gáktu vássám ájge máhtti dæhpot.

Oahppe bessin duov dáv dájddabargov vuojnnet. Vuostasj dájddadahko le guolbe guovddela, ja oahppe mánni mij dát soajttá liehket. Man muoduk le dát, gatjåt Nina Jo Melbøe.

- Bállu náhkes aktan boahhtsutjårvijn, chili bállu dabriidum, tjoarve boahhtsus ruoppsadin bájnndum ja náhke boahhtsus, vásstedi máná.

- Miján li iesjengalágásj vuojno. Gávvidibme le aj ávddánbuktemvuohke, ja dán gávån li ádåájggásasj momenta ja ávdepájggásasj momenta kontrásstan

nubbe nubbáj biejadum, subtsas Melbøe.

Dánna le káffagáhppå ja fádi nubbe nuppe vuosstáj biejadum, muorrabargo, vuodjagiergetjuolos ja væssko guolletjuomas. Árbbedábálasj sáme materiála illustreridum moatte láhkáj. - *Mij le dát?* Gatjádahkes máná imájddalli mij dájddadago máhtti liehket. - Diktim ja stiellim illustrasjåvnåjs – dat le dájdda, subtsas Melbøe.

Dájddavuosádusáv gæhttjat le muhtemijda állå ádå átsádallam. Muhtema tjuovvu berustiddje mielajn, iehtjåda e rat másja sjåvo tjuodtjot.

- Iv dájddadago manen dáv dahkap, javllá akta. Dát lij suorgganahhte, javllá nubbe. Vieledit dájddadagojt le aj oasse oahppamis. Oahppe ájádalli gávå milta.

- Ávddåla ij lim buorre sábmien liehket, javlla akta næjtsojs, ja gæhttjå gávån mij vuonet guovte identitehta sæmmi gávån.

Labudimes avta bieles nubbáj málssu nissun biktasijt, gáptes dábálasj bávsájda, mij vuonet guovte identitehtajt. Gassko guolbe le tjuollus. Dánna viertti várrögisájt duolmmot vaj sáddu ij hájeduvå.

- *Gáktu le dájddavuosádusán liehket?*

- Suohtas, javllá akta mánná, guhti le ehpalgáhkov bárttjot ja sáftav jugátjot badjen, gå 45 minuhta geldulasj vájaldibme sáme dájddaværáldin le náhkåm.

Muorra, sáddu ja spiedjil. Oahppe 4.-10. dásen Stuorgiette Bajássjaddamguovdátjin gæhttji Ingun Utsi dájddav, Speilbilde. Ij la agev álkke sjåvo tjuodtjot. **Tre, sand og speil.** Elevene i 4.-10. klasse ved Storjord Oppvekstsenter ved Ingun Utsi's kunstverk, Speilbilde. Ikke helt enkelt å unngå å komme borti verkene som befinner seg på golvet og veggene.

